

卷一百一十四



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百一十四
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 諸卿少 附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜署 廩犧署 汾祠 太官署 珍羞署

良醞署 主簿 掌醢署 武庫署 武器署 左右都候

丞 守宮署 主簿 公車司馬令 武庫署 武器署

丞 諸陵署 主簿 崇玄署 諸牧監 典廩署

丞 典牧署 主簿 乘黃署 諸牧監 典廩署

司直 丞 評事 監 獄丞

[彩色首頁1](#)

[東洋文化研究所漢籍目錄 編號: B3510400](#)
[東洋文化研究所漢籍目錄所藏漢籍善本文影像資料庫 索書號: 貴重-17](#)
[漢籍善本文影像資料庫文本杜氏通典二百卷 嘉靖十八年西樵方獻夫刊本](#)
 版權所有: [東京大學 東洋文化研究所](#)
[使用上的注意事項](#)

鑾駕還宮 如方丘之儀

季冬禘太社 如上儀

太社祝文曰維神降祐百穀時登謹以玉帛犧齊粢盛庶品恭薦于太社以后土勾龍氏配神作主尚饗
○后土氏祝文曰今時和年登恭薦禋祀于太社惟神功協水土作主配神謹以云云
○太稷祝文曰惟神主茲百穀粒此黎元謹率常禮恭以玉帛云云
○后稷祝文曰今時和年登敬薦禋祀于太稷惟神功協稼穡作主配神云云

杜氏通典卷第一百一十三終

杜氏通典卷第一百一十四

禮七十四 古六 纂類九 大 唐 開 元 禮 九

皇帝時享于太廟 凡一歲五享謂四孟月及臘宗廟三年一禘以孟冬五年

一禘以孟夏及諸享攝事並附

齋戒 陳設 齋戒 齋駕出宮 晨裸 饋食

鑾駕還宮 禘七祀 禘駕還宮 袷禘以功臣配享

齋戒

將享有司卜日如常儀皇帝散齋四日於別殿致齋三日於太極殿服通天冠絳紗袍結佩並如圓丘儀應享官齋具序例儀 袷禘同

陳設

前享三日尚舍直長施大次於廟東門之外道北南向尚舍奉御鋪御座守宮設文武侍臣次於大次之後文官在左武官在右俱南向設諸享官次於齋坊之內攝事右校清掃內外守宮設享官公卿以下次於齋坊九廟子孫於齋坊內近南西向北上文官九品以上於齋坊之南東方南方朝集使又於其南東方蕃客又於其南俱每等異位重行西向北上介公鄩公於廟西門之外近南武官九品以上於介公鄩公之南西方北方朝集使於武官之南西方北方蕃客又於其南俱每等異位重行東向北上其衰聖候於文官三品以下諸州使人分方各於朝集使之後攝事無大次及九廟前享二日大樂令設宮懸之樂手孫以下至此儀

於廟庭如圓丘儀

所異者榘路鼓及設歌鐘歌磬於廟堂上前楹間耳右校清

掃內外前享一日奉禮設御位於廟東陞東南西向

攝事御位下放此設享官公卿位於東門之內道南執事者

位於其後每等異位俱重行西面以北為上攝則公卿位於

道北執事位於道南設御史位於廟堂之下一位於西南東向

一位於東北西向令史各陪其後設奉禮位於樂懸

東北贊者二人在南差退俱西面設協律郎位於廟

堂之上前楹之間近西東向設太樂令位於北懸之

南北向設從享之官位九廟子孫於享官公卿之南

昭穆異位雖有貴齒文官九品以上位於子孫之南東

方南方朝集使於文官之南東方南方蕃客又於其

南俱每等異位重行西面北上介公鄴公位於西門之內道南武官九品以上於介公鄴公之南少西當文官西方北方朝集使於武官之南西方北方蕃客又於其南俱每等異位重行東面北上其襄聖侯於文官三品之下諸州使人分方各設門外位享官公卿以下皆於東門之外道南每等異位重行北面西上子孫之位於享官公卿之東少南文官九品以上於子孫之東東方西方朝集使於文官之東東方南方蕃客又於其東俱每等異位重行北面西上設介公鄴公位於西門之外道南武官九品以上於介公鄴公之西少南西方北方朝集使於武官之西西方北方蕃客又

於其西俱每等異位重行北面東上其襄聖侯於文官三品以下

州使人分方位於朝集使之後設牲榜於東門之外攝事無九廟子孫以下至此儀

當門西向以南為上設廩犧令位於牲西南史陪其

後俱北向設諸太祝位於牲東各當牲後祝使各陪

其後俱西向設太常卿省牲位於牲前近北又設御

史位於太常卿之西俱南向設罇彝之位於廟堂上

前楹間各於室戶之左北向春夏每室鷄彝一鳥彝

一犧罇二象罇二山壘二秋冬每室筭彝一黃彝一

著罇二壺罇二山壘二皆加勺幕凡宗廟幕皆以黼皆西上

各有玷焉禘享設罇彝於廟堂上下每座筭彝一黃彝一犧罇二象罇二著罇二山壘二在堂

上皆於神座之左獻祖太祖高祖高宗罇彝在前楹間北向懿祖代祖太宗中宗睿宗罇彝在戶外南向



其壺罇二太罇二山壘四在堂下階間設簋劔籩豆
 北向西上禘享則鷄彝鳥彝餘同禘享設簋劔籩豆
 之位於廟堂之上俱東側階之北每座四簋居前四
 簋次之次以六瓿次以六劔籩豆為後每座異之禘禘
 攝事簋籩劔皆以南為上屈陳而下設御洗於東
 與正數半之
 陞東南亞獻之洗又於東南俱北向壘水在洗東篚
 在洗西南肆篚實以珪執罇壘篚者各位於罇壘
 篚纂之後昭穆之座於戶外自西序以東皇八代祖
 獻祖宣帝皇六代祖太景皇帝皇高祖高祖神堯
 皇帝皇祖高宗天皇帝太景皇帝皇高祖高祖神堯
 懿祖光皇帝皇五代祖元皇帝皇曾祖太宗文武聖
 皇帝皇伯考中宗孝和皇帝皇考睿宗大聖真皇帝
 座於南座北向每座皆設黼屨莞席
 紛純藻席畫純次席黼純左右几

省牲器

省牲之日午後十刻廟所禁斷行人太廟令整拂神
 幄祝史各取毛血每座共實一豆祝史又洗肝於鬱
 鬯又取胾脊其實一豆俱置饌所餘並如圓丘儀
賜間脂禘祀史洗肝於鬱鬯餘並同圓丘儀

饗駕出宮

前出宮三日本司宣攝內外各供其職守宮設從享
 官五品以上次於承天門東西朝堂如常儀前二日
 太樂令設宮懸之樂於殿庭如常儀駕出懸而不作享日未
 明七刻槌一鼓為一嚴三嚴時節前一侍中奏開宮
 殿門及城門餘並與圓丘儀同唯祭官稱享為異耳
 晨裸

享日未明四刻諸享官各服其服太廟令良醞令各

帥其屬入實罇壘雞彝羊彝及犧罇象罇著罇壘罇

實以玄酒鳥彝黃彝實以鬱鬯犧罇著罇壘罇以醴齊

象罇壘罇實以益齊山壘實以清酒裕祿之罇羊彝

及五齊上罇皆實明水山壘上罇實以玄酒黃彝實

以鬱鬯犧罇實以沈齊象罇實以醴齊著罇實以益

齊壘罇實以醴齊太罇實太官令帥進饌者實諸邊

豆簋盞未明三刻奉禮帥贊引引御史博士太廟令

史太祝宮闈令及令史祝史與執罇壘籩纂者入自

東門當階間重行北面西向立定奉禮曰再拜贊者

承傳凡奉禮有詞御史以下皆再拜訖執罇壘籩纂

者各就位贊引引御史諸太祝詣東陛升堂行掃除

於上令史祝史行掃除於下訖引就位裕祿及太廟

瑞物於廟庭大階之西上瑞為前中下相次及伐國

所得寶器上次先後亦然俱藉以席攝事不陳瑞物

器未明二刻贊引引太廟令太祝宮闈令詣東陛升

堂詣獻祖室入開堦室太祝宮闈令奉出神主置於

座裕祿則未明二刻陳腰輿於東陛之東每室各二

皆西向北上立定贊引引太廟令太祝宮闈令帥

內外執事者以腰輿自東陛升詣獻祖室入開堦室

太祝宮闈令奉出神主各置於輿出詣座前奉神主

置於座訖以次奉出次奉出太廟令以下次奉出懿祖

次奉出太祖次奉出代祖次奉出高祖次奉出太宗

次奉出高宗次奉出中宗次奉出睿宗神主置於座

如獻祖之儀皇祖妣以下神主皆宮訖引太廟令以

下降還本位攝事贊引各引享官俱就門外駕將至

謁者贊引引享官通事舍人分引九廟子孫從享奉

官諸方客使先至者俱就門外位駕至大次門外廻
輅南向將畢降立於輅右侍中進當鑾駕前跪奏稱
侍中臣某言請降輅俛伏興還侍位皇帝降輅乘輿
之大次繖扇華蓋侍衛如常儀太廟令以祝版奉御
署訖近臣奉出太廟令受各奠於坵通事舍人引文
武五品以上從享之官皆就門外位太樂令帥工人
二舞入就位文舞入陳於懸內武舞立於懸南道西
其升堂座者皆脫履於下降納如常謁者引司空入就位立定奉禮曰
再拜司空再拜訖謁者引司空詣東陛升堂行掃除
於上降行樂懸於下訖引復位初司空行樂懸通事
舍人謁者贊引各引享官及九廟子孫從享羣官諸

方客使次入就位攝事無九廟子孫以下至皇帝

停大次半刻頃太常博士引太常卿立於大次門外

當門北向侍中版奏外鞞皇帝出次華蓋侍衛如常

儀侍中負寶博士引太常卿太常卿引皇帝凡太常

皆博士至廟門外殿中監進鎮圭皇帝執鎮圭華蓋

仗衛停於門外近侍者從入如常皇帝至版位西向

立每立定太常卿與太常卿前奏稱請再拜退復位

皇帝再拜奉禮曰衆拜再拜在位者皆再拜其先拜

太常卿前奏攝事謁者進太尉之左白請有司謹具

請行事退復位協律郎跪俛伏舉麾取物者皆跪

奠物則奠訖祝奏求和之樂乃以黃鍾爲宮太呂

製 複 許 不

NOT TO BE REPRODUCED

東京大学東洋文化研究所

爲角大族爲徵應鍾爲羽作文德之舞樂舞九成黃

三奏太呂大族偃麾各戛敵樂止凡樂皆協律即舉

應鐘各再奏太常卿前奏稱請再拜退復位皇帝再拜

奉禮曰衆官再拜在位者皆再拜太常卿引皇帝詣

壘洗太和之樂作皇帝每行皆如常樂皇帝至壘洗樂止侍中

跪取匱與沃水又侍中跪取盤與承水皇帝摺鎮圭

凡授物則摺圭奠皇帝盥手黃門侍郎跪取巾於匱

興進皇帝悅手訖黃門侍郎受巾跪奠於匱黃門侍

郎又取瓚於匱興進皇帝受瓚侍中酌壘水又侍中

奉盤皇帝拭瓚訖侍中奠盤匱黃門侍中受巾奠於

匱皆如常太常卿引皇帝樂作皇帝升自阼階樂止

侍中中書令以下及左右侍衛量人從升以下太尉

事皆升陛太常卿引皇帝詣獻祖罇彝所執罇者舉

罇自後登歌太常卿引皇帝入詣獻祖神座前北向跪

以鬯裸地奠之俛伏興太常卿引皇帝出戶拾稀少

同北向再拜訖太常卿引皇帝次裸懿祖次裸太祖

次裸代祖次裸高祖次裸太宗次裸高宗次裸中宗

次裸睿宗並如上儀訖登歌止太常卿引皇帝樂作

皇帝降自阼階還版位西向立樂止初羣官拜訖祝

史各奉毛血及肝膋之豆於東門外齋即奉爐炭蕭

稷黍各立於肝膋之後於登歌止祝史奉毛血肝膋



與奉爐炭蕭稷黍者以次入自正門升自太階諸太
祝各迎取毛血肝管於階上俱入奠於神座前祝史
退立於罇所齊郎爐炭皆置於室戶外之左其蕭稷
黍各置於爐炭下降自阼階以出諸太祝以取肝出
戶燔於爐炭還罇所

饋食

皇帝既升裸太官令出帥進饋者奉饌陳於東門之
外重行西向以南為上謁者引司徒出詣饌所司徒
奉獻祖之俎皇帝既至位樂止太官令引饌入自正
門俎初入門雍和之樂作以無射之均自後復神之樂堂下皆奏
無饌至太階樂止祝史俱進徹毛血之豆降自阼階

以出饌升諸太祝迎引於階上各設於神前禮記

仍升簋蓋既奠設訖謁者引司徒以下降自阼階復

其蓋於下位諸太祝各取蕭稷黍濡於脂燔於爐炭還罇所太

常卿引皇帝詣壘洗樂作皇帝至壘洗樂止皇帝盥

手洗爵侍中黃門侍郎贊洗如晨裸之儀訖太常卿

引皇帝樂作皇帝升自阼階訖樂止太常卿引皇帝

詣獻祖罇所執罇者舉罇侍郎贊酌醴齊訖光大

之舞作太常卿引皇帝入詣獻祖神座前北向跪奠

爵少東俛伏與太常卿又引皇帝出取爵於坫酌醴

齊訖太常卿又引入詣神座前北面跪奠爵少西與

太常卿引皇帝出戶北面立樂止禮記

禮記止諸座皆然八節太

祝持版進於室戶外之右東面跪讀祝文曰維某年

歲次月朔日子孝曾孫開元神武皇帝諱敢昭告于

獻祖宣皇帝攝事云謹遣太尉封臣各下於此祖妣宣莊皇后張氏

氣序流邁惟時孟春孟夏孟秋孟冬求懷罔極伏增遠感謹

以一元大武柔毛剛鬣明粢薌合薌箕嘉蔬嘉薦醴

齊恭脩時享以申追慕尚饗讀訖與以下諸室祝文儀並同裕掃祝

云畧度環周歲序云及求懷追慕伏增遠感謹以一

元大武柔毛剛鬣明粢薌合薌箕嘉蔬嘉薦齊肅

維明獻恭備裕享餘字並同禘享醴云祗薦禘事太祖以下稱臣皇帝再拜訖又再

拜初讀祝文訖樂作太祝入奠版於神座出還罇所

皇帝拜訖樂止太常卿引皇帝詣憲祖罇彝所執罇

者舉罇攝事太尉詣罇彝所取罇於坫執侍中取罇

於坫進皇帝受爵侍中贊酌醴齊訖長發之舞作太

常卿引皇帝入詣憲祖神座前北向跪奠爵少東俛

伏興太常卿又引皇帝出取爵於坫酌醴齊訖太常

卿引皇帝入詣神座前北面跪奠爵少西興太常卿

引皇帝出戶北向立樂止太祝持版進於戶之右東

向跪讀祝文曰維某年歲次月朔日子孝曾孫開元

神武皇帝諱敢昭告于憲祖光皇帝祖妣光懿皇后

賈氏讀祝文訖樂作太祝入奠版於神座出還罇所皇帝拜

訖樂止太常卿引皇帝詣太祖罇彝所如上儀太政之舞

作祝文曰孝曾孫開元神武皇帝臣諱敢昭告于太

祖景皇帝祖妣景烈皇后梁氏餘如上儀次代祖太

成之舞作祝文曰孝曾孫開元神武皇帝諱敢昭告
于代祖元皇帝祖妣元貞皇后獨孤氏獻訖太常卿
引皇帝詣罇彝所皇帝拜訖樂止太常卿引皇帝詣
高祖罇彝所如上儀大明之舞作祝文曰孝曾孫開
元神武皇帝臣諱敢昭告于皇高祖神堯皇帝祖妣
太穆皇后竇氏訖次太常卿引皇帝詣太宗罇彝所如
上儀崇德之舞作祝文曰孝曾孫開元神武皇帝臣
諱敢昭告于皇曾祖太宗文武聖皇帝曾祖妣文德
聖皇后長孫氏訖次太常卿引皇帝詣高宗罇彝所
如上儀均天之舞作祝文曰孝孫開元神武皇帝臣
諱敢昭告于皇祖考高宗天皇大帝皇祖妣大聖天

后武氏訖次太常卿引皇帝詣中宗罇彝所如上儀
酌醴齊文和之舞作祝文曰孝姪開元神武皇帝臣
諱敢昭告于皇伯考中宗孝和皇帝和思皇后趙氏
訖次太常卿引皇帝詣睿宗罇彝所如上儀景雲之
舞作祝文曰孝子開元神武皇帝臣諱敢昭告于皇
考睿宗大聖真皇帝皇妣昭成皇后竇氏訖興皇帝
再拜初讀祝文訖樂作太祝入奠版於神座出還罇
所皇帝拜訖曲終樂止太常卿引皇帝詣東序西向
立壽和之樂作皇帝獻將訖謁者引司徒詣東階升
立於楹間北面東上皇帝獻訖諸大祝各以爵酌上
罇福酒合巽二爵一太祝持爵授侍中侍中受北向

進皇帝再拜受爵跪祭酒啐酒奠爵俛伏興諸太祝

各帥齋郎持俎進太祝戒神座前三牲胙肉各取前脚第二

骨加於俎又以邊豆取稷黍還罇所以胙肉各置一

俎上以飯共置一邊以飯授司徒司徒奉進皇帝受

以授左右太祝又以胙肉授司徒司徒授俎以次進

皇帝每受以授左右謁者引司徒降復位皇帝跪取

爵遂飲卒爵侍中進受虛爵以授太祝受爵復於坫

皇帝俛伏興再拜樂止太常卿引皇帝樂作皇帝降

自阼階還版位西向立樂止文舞出鼓祝作舒和之

樂出訖夏啟樂止武舞入鼓祝作舒和之樂立定夏

樂止初皇帝將復位謁者引太尉詣盥洗盥手洗

爵訖謁者引太尉升自阼階攝事則太尉將復位謁者引太常卿下故此

詣獻祖罇彝所執罇者舉罇太尉酌盞齊武舞作謁

者引太尉入詣獻祖神座前北向跪奠爵少東興謁

者引太尉出戶北向再拜謁者又引太尉取爵於坫

酌盞齊訖謁者引入詣神座前北向跪奠爵少西訖

興謁者引太尉出戶北向再拜謁者引太尉次詣齋

祖罇彝所取爵於坫執罇者舉罇太尉酌盞齊謁者

引太尉入詣齋祖神座前北向跪奠爵少東興謁者

引太尉出戶北向再拜謁者又引太尉取爵於坫酌

盞齊訖謁者引入詣神座前北向跪奠爵少西訖興

謁者引太尉出戶北向再拜訖謁者引太尉次獻太

祖次獻代祖次獻高祖次獻太宗次獻高宗次獻中宗次獻睿宗並如上儀訖謁者引太尉詣東序西向立諸太祝各以爵酌壘福酒合置一爵一太祝持爵進太尉之左北向立太尉再拜受爵跪祭酒遂飲卒爵太祝進受虛爵復於坫太尉興再拜謁者引太尉降復位初太尉獻將畢謁者引光祿卿攝事詣壘洗盥洗升酌盎齊終獻如亞獻之儀訖引光祿卿降復位武舞止登歌作雍和之樂諸太祝各入室徹豆還樽所徹者邊豆略一登歌上奉禮曰賜酢贊者唱衆官再拜在位者皆再拜祀徹福永和之樂作太常卿前奏稱請再拜退復位皇帝再拜奉禮曰衆官再拜

任位者皆再拜樂一成止太常卿前奏禮畢太常卿引皇帝遠大次樂作皇帝出門樂止殿中監受鎮圭華蓋侍衛如常儀通事舍人謁者贊引各引享官及九廟子孫從享羣官諸方客使以次出贊引引御史太祝以下俱復執事位立定奉禮曰再拜御史以下皆再拜贊引引出工人二舞以次出太廟令與太祝宮闈令納神主如常儀其祝版燔於齋坊

祭七祀

各因時享祭之唯中雷季夏別祭禘禘之日備祭之如臘享

司命戶以春竈以夏中雷以季夏王日門

厲以秋行以冬

祭日未明一刻太廟令帥其屬入布神席於廟庭西

門之內道東南向以北為上帝皆以莞設神位各於座首設酒罇於神座東南設酒於酒罇東南俱北向壘水在洗東篚在洗西南肆實以太廟令與良醢令屬入實罇壘如常其執罇壘篚者各位於罇壘篚之後初大祝以下入祝史與執罇壘篚者次入就位遂於堂上設饌訖大官承引饌入祝史迎引於座首各設於神座前於光祿卿將升獻贊引引獻官詣壘盥洗詣酒罇所執罇者舉罇獻官酌酒贊引引獻官進西面跪奠於司命神座少退西向立祝史持版進神座之右北向跪讀祝文曰維某年歲次月朔日子開元神武皇帝遣具位姓名昭告于司命三陽照初



四序惟始式遵常禮謹以犧齊粢盛庶品明薦于司命尚饗戶云時惟歲首升陽贊滯竈云時惟夏始盛陽作統門云時惟孟秋升陰紀物厲云時屬實沈氣序清肅行去時惟冬首盛陰作紀讀祝文訖興獻官再拜祝史進奠版於神座還罇所其七祀版祝獻史一人讀之獻官再拜訖贊引引獻官詣酒罇所酌獻並如上儀訖贊引引獻官位於堂上徹豆祝史進徹豆還罇所臘享祝文維某年歲次月朔日子孝曾孫開元神武皇帝某敢昭告于獻祖宣皇帝祖妣宣莊皇后張氏肅承靈祐錫茲介福時和年登率遵彝典謹以一元大武柔毛剛鬣明粢薌合薌箕嘉蔬嘉薦醴齊虔恭齋

栗備茲清祀尚饗

餘室祝文惟此太祖以下稱臣

臘享祭七祝文維

某年歲次月朔日子開元神武皇帝遣具位姓名昭

告于司命戶竈中雷門厲行令時和年豐式遵常禮

謹以犧齊粢盛庶品明薦于司命戶竈中雷門厲行

尚饗獻官唯獻司命餘座齋郎助奠餘如上儀

祫帝以功臣配享

享日未明一刻太廟令布功臣神座於太廟之庭史

部尚書贈司空鄭國公殷開山光祿卿渝國公劉政

會開府儀同三司淮安靖王神通禮部尚書贈司空

河間元王孝恭

右配享高祖廟庭大階之東少南西向以北

為上下並故此

司空贈太尉梁國文昭公房玄齡特進司空鄭國文

貞公魏徵洛州都督贈尚書左僕射蔣國忠公屈突

通開府儀同三司贈司徒申國文獻公高士廉

右配享太宗廟庭少南西向以北為上

司空太子太師贈太尉英國貞武公李勣中書令贈

尚書右僕射高唐縣公馬周尚書左僕射兼太子少

傅北平縣公張行成

右配享高宗廟庭少南西向以北為上

侍中譙國公桓彥範侍中平陽郡公敬暉中書令兼

吏部尚書僕陽郡公張柬之特進博陵郡公崔玄暉

中書令南陽郡公袁恕已

右配享中宗廟庭少南西向以北為上

尚書左僕射太子少傅贈司空許國文貞公蘇瓌尚書左丞相太子少保國公劉幽求

右配享睿宗廟庭少南西向以北為上

諸座各設版於座首其版文各題官爵姓名每座各設壺罇二

於左北向玄酒在西加勺幕置爵於罇下設洗於終

獻壘洗東南北向太廟令與良醞令以齊實罇如常

堂上設饌訖太官令帥進饌者出奉饌入祝迎引於

座左各設於座前太官令以下出祝還罇所亞獻將

畢贊引引獻官詣壘洗盥手洗爵詣酒罇所執罇者

舉罇獻官酌酒諸助奠者皆酌酒訖贊引引獻官進

詣首座前東面奠爵贊引引還本位於獻官進奠諸

助奠者各進奠於座還罇所於堂上徹豆祝進首座

前徹豆還罇所

變駕出宮如奠位儀

杜氏通典卷第一百一十四終